

## **1959**

Ils 11 da schaner 1959 fundeschan ils skiunzs da Ruschein il club da skis „Crestas“ Ruschein. Sco emprema suprastonza vegnan ils iniziants elegi: Albert Klaiss sco president, Toni Patt sco actuar e Robert Truog sco cassier. Plinavon vegn concludiu da metter si statutas. Affons da 12 onns ensi san daventar commembers dil club.

- Ils 25 d`avrel 1959 vegnan las statutas approbadas dils commembers.
- Ils 19. da november 1959 vegn concludiu da menar atras ina cuorsa rapida, da crear in emblem dil club che vegn cusius sin la giacca ni liser e da prender si giuvnas da 16 onns ensi.

## **1960**

La cuorsa rapida regiunala ed ina cuorsa dil club en fuorma d`in slalom gigant vagnan menai atras.

## **1961**

- Sep Truog vegn elegius sco niev cassier per Robert Truog.
- Il club decida da comprar in`arrivada (Zielband) dalla fa. Ovomaltine.
- Vinavon vegn priu il conclus dad ir a Glion el Kino Darms e mirar il film dall`olympiada 1960 a Sqaw-Valley. Ils cuosts surpren il club. Il "Pantoffelkino" a casa era aunc strusch enconuscents.
- El medem onn vegnan la cuorsa rapida ed il slalom gigant menai atras.

## **1962**

- Il club concluda d`alzar la taxa annuala per juniorsI sin Fr.2.- e per juniorsII e seniors sin Fr. 3.-.
- La grupp da cuorsa ( Rennguppe ) vegn fundada. Toni Patt surpren il post sco cau dalla grupp.

## **1963**

- Enstagl d`ina cuorsa rapida vegn menau atras in slalom gigant dalla Muota giu Ladir.
- Sco emprema ga, vegn ina sera hilarica organisada.

## **1964**

- Leo Capaul vegn elegius sco niev president e remplazza aschia Albert Klaiss.
- Anselm Patt daventa niev capo dalla grupp da cuorsa.

## **1965**

- Anselm Patt surpren da siu frar Toni il post d`actuar. Sco niev menader dalla grupp da cuorsa vegn Christian Coray engaschaus.
- Il club pren si contractivas cun SSV per daventar commember.
- Per la cuorsa regiunala vegn ina grupp da damas messa sin peis "Frauenpower"!

## **1966**

- Eugen Menzli remplazza Leo Capaul sco niev president.
- Niev actuar ei Ludwig Coray.

## **1967**

- Il club decida da comprar in runal. Il runal "Picolo" cun motor da benzin cuosta ca. Fr. 3400.-.
- In bal da s. Stiafen vegn menaus atras.
- Plinavon vegn concludiu da s`unir ( fusionar ) cun il club da skis Ladir. Nova commembranza egl SSV.

## 1968

- Georges Mathias Casanova remplazza Eugen sco president.
- Toni Vinzens remplazza Sep Truog sco cassier.

## 1969

- Muort munconza da neiv vegn negina cuorsa menada atras.

## 1970

- Marcus Menzli remplazza G.Mathias Casanova sco president.
- Sep Antoni Casanova surpren il post da cassier da Toni Vinzens

## 1971

- Fundaziun da l'uniun Sursilvana da skis cun la finamira da reunir clubs pigns ed aschia saver sustener meglier ils giuvenns skiunzs.
- In campjunadi Sursilvan vegn menaus atras.

## 1972

- Eveniment special: Nies runal ("Benziner") vegn montaus d'enzacons commembers dil club sin il glatscher dil Vorab. Quei ei stau igl **emprem runal sil Vorab**.
- La cuorsa regiunala vegn per l'emprema gada organisada a Crap s. Gion. 110 skiunzs separtizipeschan a quella cuorsa.

## 1973

- Christian Coray remplazza il post da Toni Casanova e vegn niev cassier.
- Il runal sil Vorab vegn vendius ad ina gruppa d'interessents per Fr.800.-.
- Ei vegn priu il conclud da buca midar il num en Uniun sportiva ed integrar gimnastica e ballapei.
- Commembers dalla vischnaunca da Siat vegnan pri si en nies club.

## 1974

- Revisiun dallas statutas.
- Daniel Coray daventa niev actuar per Ludwig Coray.
- Il club baghegia ensemen cun l'uniun da traffic in VITA-parcuors si Plontabuora.
- Ensemen cun la US Andiaast vegn il campjunadi svizzer per skis da pastg (rolcas) organisaus.
- In slalom gigant vegn menaus atras si Crap s. Gion. 200 skiunzs fan part dalla cuorsa.

## 1975

- Albert Darms daventa niev president per Marcus Menzli.

## **1976**

- 14 skiunz serendan duront in'jamna d`uost sil pass dil Stelvio ad in camp da trenament. Sco cuschaniera semetta Genoveva Arpagaus da Ladir a disposiziun.
- Adrian Maissen, Günther Truog, Reto Beeli e Werner Nay procuran per il pli grond success dil club da skis da Ruschein. Els contonschan il 3. plaz tier il campiunadi svizzer dils clubs da skis a Sedrun.
- Il club concluda da cumprar uras electronicas da Heuer per Fr. 4000.-.
- Ewald Vinzens remplazza Daniel Coray sco actuar.

## **1977**

- Ils 18 da schaner perda nies bien amitg Marcel Maissen ( Varallo ) la veta en ina lavina a Crap s. Gion.
- La cursa vegn menada atras en fuorma d`in slalom enstagl d`in slalom gigant.
- Marcus Menzli surpren il presidi d'Albert Darms, e lez surpren niev la cassa da Christian Coray.
- La primavera pren il club part ad ina sera da recreaziun a Sevgein.

## **1978**

- Activitads usitadas dil club.

## **1979**

- Robert Menzli daventa actuar per Ewald Vinzens.

## **1988**

- Muort munconza da finanzas ( defizi dil runal da Fr.1400.-) ston las cuntribuziuns annualas vegnir alzadas pulitamein: Fr.15.- per singuls e Fr. 30.- per famiglias, senza las cuntribuziuns allas uniuns tetgalas.

## **1989**

- El decuors digl onn ha l`entira suprastonza demissiunau sin radunonza generala. Tut ils commembers ein vegni orientai en ina brev sur dallas eventualas consequenzas. Sche negin surpren in post en suprastonza vegn il club sligiaus si! Alla la radunonza ein 20 persunas cumparidas cun gl'intent da menar vinavon il club en in bien futur. Tut ils posts ein vegni occupai. La suprastonza nova vesa ora aschia: president Ewald Vinzens, actuar Rest Gieri Coray, cassier Plazi Coray, cau material Ervin Cadruvi e cau G+S Ursin Cajochen.
- Plinavon vegn concludiu da dislocar il runal da Crusch a Crestas sper la halla plurivalenta.

## **1990**

- Revisiun dallas statutas. Alzament dalla cuntribuziun annuala sin Fr. 40.-.
- Il runal vegn montaus a Crestas
- La vischnaunca surpren ils cuost per la forza electrica.
- Il club organisescha la fiasta digl 1. d`uost.

## **1991**

- Novas fatschas en suprastonza: Andreas Coray surpren il post da material e Gieri Arpagaus vegn elegius niev sco actuar.

## **1992**

- Midada da scharscha en suprastonza: Andreas Coray (niev cau G+S), Ursin Cajochen (niev cau material).

- Ursin Cajochen e Gieri Arpagaus construeschan in cundrez massiv da partenza per cuorsas parallelas, il qual vegn installaus en plirs loghens per far cuorsas.

## **1993**

- Il slalom parallel da notg ch' era previus da menar atras el schaner si Ladir ha stuiu vegnir detgs giu ord munconza da neiv.

- Per l' emprema gada sa nies JO sevestgir cun novas monduras da skis. Quellas vegnan sponsoradas da Marietta Hänggi (Casa Crusch) e Marcus Menzli (Menzli Sport).

## **1994**

- Puspei ha il previu slalom parallel stui vegnir annullaus ord munconza da neiv.

- Persuenter han 95 (niev record) priu part alla bellezza cuorsa dil club cun massa neiv si Gonda. La vegliadetgna ufficiala da G+S vegn midada entras ils uffecis federals da sport sin 10 tochen 20 onns.

## **1995**

- Emprem slalom parallel digl SST si Ladir sur baselgia cun 55 participonts e sut bellezza relaziuns d'unviern.

- Nova suprastonza: Gieri Arpagaus (president), Retus Spescha (actuar), Bettina Casanova (cassiera), Andreas Casanova (cau G+S) ed Ursin Cajochen (cau material).

## **1996**

- Fuffernadi da snowboard cun Rolf Cadruvi e Christian Maissen.

- Cuorsa parallela digl SST ha liug per l' emprema gada vi Crap Sogn Gion.

- La cuorsa dil club vegn menada atras pér da gliendisdis Pastgas (ell' alp da Ruschein).

- Nossa grupp da cuorsas gudogna la concorrenza d'equipas dil Siet Alv e dil Super-G a Sörenberg.

- Revisiun dallas statutas.

- Nova menadra da G+S: Eveline Cadruvi

## **1997**

- Cuorsa dil club ellas Treis Palas cun 80 participonts ed emprema sera hilarica en halla plurivalenta.

- Novas giaccas per igl JO sponsoradas da Menzli Sport, Daniel Coray, Ustria Alpina ed Electro Cadruvi.

- Organisaziun fiasta digl 1. d' uost cun pizzas ord il fuorn enta Crestas.

- Ueli Giger surpren il post d' actuar da Retus Spescha.

- 1. Rang da nossa squadra al super-G da Sörenberg.

## **1998**

- Novs menaders da G+S: Curdin Camenisch e Stephan Hänggi.
- Emprem slalom parallel da notg (Elektro Cadruvi Cup) vi Murschetg.
- Il club cumprau in niev runal da skis per 22'000.- francs.

## **1999**

- Il club baghegia in niev casetg enta Crestas ed uliva il terren dil runal. Las petgas sura e sut vegnan montadas fix.
- Ils campiunadis svizzers internaziunals da skis da pastg (rolcas) a Bömmeli, Appenzell vegnan menadas atras dil club da skis Ruschein.
- Nova suprastonza: Gieri Arpagaus (president), Flurina Menzli (actudara), Patricia Vinzens (cassiera), Gion Ambrosi Cahenzli (cau material) e Stephan Hänggi (cau G+S). Novas menadras da G+S ein Liliane Vinzens e Romana Casanova.
- Niev record da 85 participonts al parallel da notg.

## **2000**

- Niev record da participonts al slalom parallel digl SST, numnadamein 197.

## **2001**

- Natalie Caderas surpren il post da cassiera da Patricia Vinzens.
- Negin successur per la demissiun da Gion Ambrosi Cahenzli sco cau material.
- Il club ha priu temps als campiunadis grischunes da Snowboard si Sedrun.

## **2002**

- Igl Electro Cadruvi Cup (slalom parallel da notg) ha stuii vegnir detgs giu ord munconza da participonts.
- Niev cau da material daventa Cornelia Coray. Angi Coray daventa cau G+S e remplazza Stephan Hänggi.
- Novs menaders da G+S: Daniela Cadruvi e Cristian Caderas.

## **2003**

- Cunquei che Angi Coray vul buc esser en suprastonza, vegn Hanspeter Caderas elegius sco Savel.
- Novas giaccas da Spyder (sponsurs: Menzli Sport, Daniel Coray, Elektro Cadruvi ed Ustria Alpina).

## **2005**

- Midada en suprastonza: Cornelia Coray remplazza Flurina Menzli sco actua e Gian Marco Menzli vegn elegius niev sco cau material.
- Nova menadra da G+S: Anja Cajochen.

## **2006**

- Magra participaziun (mo 74) al slalom gigant digl SST (probabel pervia dallas licenzas.)

## **2007**

- Cuorsa dil club si Gonda e sera da recreaziun cun rangaziun en Casa Gonda.
- Novas consuprastontas d'avegnan Catrina Cadruvi (cassiera) e Liliane Vinzens (coach J+S).
- Novs menaders da G+S: Roger Vetsch e Duri Coray.

## **2008**

- Il club metta neu novas monduras da skis (caultschas e giacca) dalla firma Völkl. Sponsurs ein: Menzli Sport, Daniel Coray, Elektro Cadruvi, Ustria Alpina e niev Robert Menzli e Gusti